

四庫全書

子部

欽定四庫全書

喻林卷五十七

明 徐元太 撰

人事門

五十五

忽大

養其一指而失其肩背而不知也則為狼疾人也

孟子
告子

上

不能三年之喪而鰥小功之察放飯流歠而問無齒決

是之謂不知務

孟子
盡心上

諦毫末者不見天地之大審小音者不聞雷霆之聲

尹闕

子九

藥

夫目察秋毫之末耳不聞雷霆之聲耳調玉石之聲目

不見太山之高何則小有所志而大有所忘也

淮南子
傲真訓

殺戎馬而求狐狸援兩鼈而失靈龜斷右臂而爭一毛

折鏌邪而爭錐刀用智如此豈足高乎

淮南子
說山訓

畫者謹毛而失貌射者儀小而遺大

淮南子
說林訓

觴酒豆肉遷延相讓辭小取大雞廉狼吞

鹽鐵論
褒賢

夫小事者味甘而大道者醇淡近物者易驗而遠數者難效非大明君子則不能兼通者也故皆惑於所甘而不能至乎所淡眩於所易而不能反於所難

徐幹中論務本

夫所知麥之善於菽稻之勝於稷由有効而識之假無稻稷之域必以菽麥為珍養謂不可尚矣然則世人不

知上藥良於稻稷猶守菽麥之賢於蓬蒿而必天下之

無稻稷也

嵇中散集答難養生論

避牛跡之淺嶮而墮百仞之不測違濡足之泥涇投鑊

治而不覺乎

抱朴子外篇逸民

澄視於秋毫者不見天文之煥炳肆心於細務者不覺

儒道之弘遠翫鮑者忘蒞蕙迷大者不能及

抱朴子外篇崇教

夫曲思於細者必忘其大銳精於近者必略於遠由心

不並駐則事不兼通小有所係大必所忘也故仰而貫

針望不見天俯而拾蠃視不見地天地至大而不見者

眸掩於針蠃故也

劉子觀量

智伯庖人亡炙一筐而即知之韓魏將反而不能知即

鄆子陽園亡一桃而即覺之其自亡也而不能知斯皆

銳情於小而忘大者也

劉子
觀堂

今人主不思甘露零醴泉涌而患枇杷荔支之腐亦鄙

矣

藝文類聚
果部枇杷

修習蚊蚋行而不志龍象

齊嶠摩羅
經卷二

昔有父子二人緣事共行路賊卒起欲來剝之其兒耳

中有真金璫其父見賊卒發畏失耳璫即便以手挽之

耳不時決為耳璫故便斬兒頭須臾之間賊便棄去還

以兒頭著於肩上不可平復如是愚人為世間所笑

百喻

經卷

下

山中揭鳥尾有長毛毛有所著便不敢復去愛之恐拔

覆為獵者所得身為分散而為一毛故

三慧經
藉八

譬如犛牛護尾一毛著樹守樹而死不令毛斷

達摩多
羅禪經

下榮

八

馬得閉目以觀天地塞耳而聽雷霆

辨正論
卷五

曷為存濡沫之小惠捨夫江海之大益

僧肇註維摩
詰經菩薩品

自多

以此視物猶如眇目自為能視不足為明也以此履踐猶如跛足自為能履不足與之行也

周易正義履

君臣並不自知俱曰我身大聖唯各自矜而賢愚無別

譬之於鳥誰能知其雌雄者

毛詩正義正月

彼童羊實無角而為有角自用妄為觝觸人以喻王后

本實無德而為有德自用橫干政事

毛詩正義抑

齊莊公朝指殖綽郭最曰是寡人之椎也州綽曰君以

為雄誰敢不雄然臣不敏平陰之役先二子鳴

左傳襄公二十

一年

王好戰請以戰喻填然鼓之兵刃既接棄甲曳兵而走或百步而後止或五十步而後止以五十步笑百步則何如曰不可直不百步耳是亦走也

孟子梁惠王上

往時遼東有豕生子白頭異而獻之行至河東見羣豕皆白懷慚而還若以子之功論於朝廷則為遼東豕也

後漢書朱浮列傳

墨尿單至嘽咍慙慙四人相與游於世胥如志也窮年
不相知情自以智之深也巧佞愚直婢斫便辟四人相
與游於世胥如志也窮年而不相語術自以巧之微也
穆忤情露讒慙慙凌薛四人相與游於世胥如志也窮年
不相曉悟自以才之得也眠媿誣諉勇敢怯疑四人相
與游於世胥如志也窮年不相譴發自以行無戾也多
偶自專秉權隻立四人相與游於世胥如志也窮年不
相顧眄自以時之適也此衆態也

列子
力命

埽井之鼃謂東海之鼃曰吾樂與吾跳梁乎井幹之上
入休乎缺甃之崖赴水則接掖持頤蹶泥則沒足滅跗
還軒蟹與科斗莫吾能若也

莊子
秋水

鄭人緩為儒使其弟墨儒墨相與辯其父助翟十年而
緩自殺其父夢之曰使而子為墨者予也闔胡嘗視其
良既為秋栢之實矣夫造物者之報人也不報其人而
報其人之天彼故使彼夫人以已為有以異於人以賤
其親齊人之井飲者相捽也故曰今之世皆緩也

莊子列
御寇

夫醜者自以為姣故不飾愚者自以為知故不學觀笑

在已而不自知不好用人自是之過也

鹽鐵論殊路

莫視而自見莫賈而自貴

鹽鐵論訟賢

言以荷葉為衣雖香好然浩浩蕩蕩而不可帶又易敗也
以諭懷王自以為有賢明之德猶以荷葉為衣

王逸註楚

辭九
辨

上聖兼策載馳猶懼不逮前而庸主緩步按轡而自以

為過之

抱朴子外篇君道

但知私財不入公事夙辨便云我能治民不知誠已形物執轡生組反風滅火化鴟為鳳之術也

顏氏家訓勉學

德行未著而稱我能猶足不能行而賣雙藥望人信之

實為難矣

劉子辨施

嫫母闕井自謂媚勝西施齊桓矜德自稱賢於堯舜若

子貢始事孔子一年自謂勝之二年以為同德三年方

知不及以子貢之才猶不識聖人之德望風相崇奚況

世人而能推已耶

劉子心隱

穿井之人為已有造泉之功而捽飲者不知泉之天然

也

莊子音義
列御寇

各以所長相輕所短里語曰家有敝帚享之千金斯不

自見之患也

文選魏文帝
典論論文

馮夷不遇海若則不以已為小雲將不失於其鴻濛則

無以知其少由斯言之自是者不章自建者不立

廣文
選阮

嗣宗

莊論

西施自窺於井不恃其美猶佐湯沐堯舜自窺於世不

恃其美猶須寸德况中庸而拒諫嫫母自窺於井以為

媚於西施桀紂自窺於世以為賢於堯舜

太平御覽人事部美婦人

莊子曰介鬬閭里有狗宋人之駕狗也其家命之為淖

逐狗不及而止止而望之自以為過矣

初學記獸部狗註

薛談學謳於秦青未窮青之技而辭歸青餞於郊乃撫

節悲歌聲振林木響遏行雲乃謝求反

初學記樂部歌

少學或心高易滿如牛跡如鼠手持物自謂已能多

大方

廣佛華嚴經

讚卷十二

譬如有鹽大如微塵此鹽自謂世間鹹者更無過我世

有智者而便取之投之於海唐失其身鹹何所在

大方等

羅尼經

卷四

昔有大長者子共諸商人入海採寶此長者子善誦入海捉船方法若入海水漩洑洄流磯激之處當如是捉如是正如是佳語衆人言入海方法我悉知之衆人聞已深信其語既至海中未經幾時船師遇病忽然便死時長者子即便代處至洄洑駛流之中唱言當如是捉

如是正船槃廻旋轉不能前進至於寶所舉船商人沒

水而死

百喻經
卷下

舍利弗白佛言譬如貧家饑凍之人得大珍寶如須彌
山寧歡喜不佛言甚善舍利弗言我到彼刹得聞彼佛
說阿惟越致深奧之事是以欣踊不能自勝佛言善哉
如汝所言佛語舍利弗譬如長者大迦羅越純以紫摩
金摩尼珠為寶內有掃除銅鐵鉛錫棄在於外糞壤之
中有貧賤者喜得持歸言我大得迦羅越寶寧是長者

珍妙寶非荅言非也佛語舍利弗汝所聞得如是貧者

舊雜譬

喻經

有一梵志道士智博通達衆經備舉無事不貫貢高自
譽天下無比求敵而行無敢應者晝日執炬行城市中
人問之曰何以晝日執炬而行梵志荅曰世皆愚冥目
無所見是以執炬照之耳佛即化作一賢者居肆上坐
即呼梵志何為作此梵志荅曰以衆人冥晝夜不見明
故執炬火而照之耳賢者重問梵志經中有四明法為

知之不梵志慚愧棄炬又手有不及心佛知其意即還
復身光明炳然晃照天地便持梵聲為梵志若多少有
聞自大以憍人是以盲執燭照彼不自明佛說偈已告
梵志曰冥中之甚無過於汝而書執炬行入大國如卿
所知何如一塵

法句譬喻經
一多聞品

譬如春種秋穫自以力得何足自憍

大智度論
卷十四

指南為北自謂不惑以西為東自謂不昧以鵝臬而咲

鳳凰執螻蚓而調龜龍

弘明集年
子理感論

猶如羣猪中有一猪出羣已詣大糞聚此猪飽食戾已
還至猪羣中便自貢高我能得此好食諸猪不能得食

法苑珠林

卷九十

不量

芄蘭刺霍叔也以童子僭成人之服比其不度德量力

而助武庚作亂

詩說

語曰以筦闔天以蠡測海以莛撞鐘豈能通其條貫考
其文理發其聲音哉絲是觀之譬猶鼃鮑之襲狗狐豚

之咋虎至則靡耳何功之有

前漢書東
方朔傳

武嘉區區以一蕢障江河用沒其身

前漢書何武王
嘉師丹傳贊

此猶河濱之人捧土以塞孟津多見其不知量也

後漢
書朱

浮列
傳

乃欲運螳螂之斧禦隆車之墜

後漢書袁
紹列傳

然儉以區區一掌而欲獨堙江河終嬰疾甚之亂

後漢
書黨

銅列
傳

夫焦僥之步而企及夸父之蹤近才所以躓礙也要離

之羸而強赴扛鼎之勢秦人所以斷筋也

晉書葛洪傳

既樹非梧桐而希鸞鳳降翼

晉書索襲傳

何足以抗沸海之濤當燒山之焰

宋書沈攸之傳

惟此魚目唐突璵璠

梁書任昉傳

蓋基薄牆高塗遙力蹟傾屢必然顛匐可俟

梁書王僧孺傳

浩以蓬蒿之才荷棟梁之重

魏書高允傳

繭犢引大車弱質任厚棟所謂愛之所以害之矣

魏書外戚

傳

而欲以狗犢齒虎口也

魏書崔浩傳

以彼曲師危卒望我軍鋒何異蝘蝓被甲螭蛆舉尾

魏書

島夷蕭

衍傳

何異於蹄涔之魚冀拯江海

魏書慕容白曜傳

豈冤禽之能塞海非愚叟之可移山

周書庾信傳

怖甚真龍之降慚過白豕之歸

隋書王貞文學傳

夸父不量力欲追日影逐之於隅谷之際渴欲得飲赴

飲河渭河渭不足將走北飲大澤未至道渴而死

列子湯問

以君之力曾不能捐魁父之丘如太行王屋何

列子
湯問

汝不知夫螳螂乎怒其臂以當車轍不知其不勝任也

是其才之美者也

莊子人
間世

二三子有復於子墨子學射者子墨子曰不可夫知者必量其力所能至而從事焉國士戰且扶人猶不可及

也今子非國士也豈能成學又成射哉

墨子
公孟

能小而事大辟之是猶力之少而任重也舍粹折無適也身不肖而誣賢是猶偃身而好升高也指其頂者愈

欽定四庫全書

卷五十七

十三

衆

荀子
儒效

譬之是猶以塽塗而塞江海也以僬僥而戴太山也踰

跌碎折不待頃矣

荀子
正論

以詐遇齊辟之猶以錐刀墮太山也非天下之愚人莫

敢試

荀子
議兵

乳狗之噬虎也伏雞之搏狸也恩之所加不量其力

淮南

子說
林訓

吾以是默口於小道塞耳於諸子久矣而子立尺表以

度人植寸指以測淵

孔叢子
答問

今齊世庸士之人不好學問專以己之愚而負荷巨任

若無楫舳濟江海而遭大風漂沒於百仞之淵東流無

崖之川安得沮而止乎

鹽鐵論
殊路

鄰不我顧面望玉女身多癩疾誰肯嬾者

焦氏易林
師之小過

家在海隅橈短流深

焦氏易林
觀之明夷

卵與石闢糜碎無處

焦氏易林
復之豫

欲飛無翼鼎重折足

焦氏易林
坎之頤

上九童麋觸犀灰其首測曰童麋觸犀還自累也

太玄經第

一童

次五大爵集于宮庸小人庠

音婢

侯空測曰宮庸之爵不

可空得也

太玄經第二侯

次八觸石決木維折角測曰觸石決木非所治也

太玄經第

六難

次四卵破石

徒玩切

測曰卵破之

太玄經第六難

子幹欲以坯土而塞濁涇以握石而補崩山其不戡也

幸矣

天祿閣外史去蜀

夫以筋撞鐘以算擊鼓不能鳴者所用撞擊之者小也

王充論衡感虛篇

如泰山失火沃以一杯之水河決千里塞以一掬之土

能勝之乎非失五行之道小大多少不能相當也

王充論衡

調時篇

何異操圭爵以量滄海執毫釐而迴日月其可得乎

王充

年拾遺記

燕昭王

知其嘸嘸無所先入欲以弊藥必規昇騰者何異策蹇

驢而追迅風棹籃舟而濟大川乎

抱朴子內篇金丹

猶斥鷃之揮短翅以凌陽侯之波猶蠅力駕質以涉眇

猿之峻非其所堪祇足速困

抱朴子內篇明本

昔西施心痛而卧於道側姿顏妖麗蘭麝芬馥見者咸美其容而念其疾莫不躊躇焉於是隣女慕之因偽疾伏於路間形狀既醜加之酷臭行人皆憎其貌而惡其氣莫不睨面掩鼻疾趨而過焉今世人無戴阮之自然

而効其倨慢亦是醜女闇於自量之類也

抱朴子外篇刺驕

猶褰裳以越滄海企佇而躍九玄

抱朴子外篇廣譬

猛獸不奮搏於度外鷹鷂不揮翮以妄擊若廟算既內不揆德進取又外不量力猶輕羽之投洪鑪飛雪之委

沸鑊朝菌之試干將羔犢之犯虺虎也

抱朴子外篇廣譬

麋童犀角而相觝觸剛柔不等有勝有否也

太玄經第一童解

以短小之物欲測深大之域

莊子音義庚桑楚

非醇粹之方壯謀踳駁於王義孰愈尋靡併於中達造

沐猴於棘刺

文選魏都賦

排終身之積慘求數刻之暫歡譬由疾疢彌年而欲一

丸銷之其可得乎

文選劉琨答盧湛詩序

夫錙銖之衡縣千金之重徑尺之鏡照尋丈之形用過其力傷其本性故在權則衡危於鏡則照暗也

文選陸士衡演

連珠

註

覆黃之量而塞北川之洪

廣文選曹輔佐對儒

太子若以燕當秦猶以羊捕狼

意林燕丹子

欲顯白於雪中馳光於日下不可得也

意林
秦子

彼洪川之方割豈一簣之所堙

藝文類聚
禮部弔文

師金曰西施病心而曠其里之醜人見而美之歸亦捧心而曠其里之富人見之堅閉門而不出貧人見之挈

妻子而去之

事文類聚
美女孟子

艾子使於燕燕王曰吾小國也日為強秦所侵徵求無已吾國貧無以供之欲草兵一戰又力弱不足以拒敵如之何則可先生其為謀之艾子曰亦有分也王曰其

有說乎艾子曰昔有龍王逢一蛙於海濱相問訊後蛙
問龍王曰王之居處如何王曰珠宮貝闕輦飛璇題龍
復問汝之居何若蛙曰綠苔碧草清泉白石復問曰王
之喜怒如何龍曰吾喜則時降膏澤使五穀豐稔怒則
先之以暴風繼之以飛電使千里之內寸草不留龍問
蛙曰汝之喜怒何如曰吾之喜則清風明月一部鼓吹
怒則先之以努眼次之以腹脹然至於脹過而休於是

燕王有慙色

事文類
聚蛙

所以舉尾支山怒臂當轅

一作轍。文苑英華盧思道轍一

舉螳螂之斧被蜚蜥之甲當窮轍以待輪坐積薪而候

燎

文苑英華杜弼檄一

穴蟻衝泉未知遠慮玄禽巢幕何能支久是以大厦既

焚不可灑之以淚長河一決不可障之以手

文苑英華庾信連珠

蓋聞北邙之高魏君不能削穀洛之關周王不能改是

以愚公何德遂荷鍤而移山精衛何禽欲銜石

一作枝

塞海

文苑英華庾信連珠

敢以不肖之軀而慕龍鳳之年欲以朝花之質希晦朔

之期

漢武帝內傳

有似無翅之鷺願鼓翼天池朝生之蟲而樂春秋者哉

漢武帝

內傳

譬如螢火並於日月亦如掬水比於大海

玉清經慈悲方便品

譬如男子得無價摩尼珠持水精比之欲令合同

道行波羅

蜜經卷四

諸小蟲獸欲驚師子

大寶積經卷十一

猶如野干入師子羣

大寶積經
卷三十二

以孫陀羅比此天女還如香醉山內以瞻獼猴比孫陀

羅百千萬倍不及其一

大寶積經
卷五十六

譬如有人不著甲冑不持刀仗輒入陣中必遭傷害

大集

地藏十輪

經卷六

譬如有人持一束草言欲堰塞恒河大流

大集菩薩三昧經卷四

如有人至大海際或取一板或持小筏或欲身涉或欲

身浮廣施方便發如是言我度大海登陟彼岸

大集菩薩三昧

譬如有人無有脚足而欲趣彼鬱單越土如無目者而

欲讀書如無手者而欲執作

大方等大集經卷二十四

喻如有人以一把麤投恒河中謂能以此斷彼駛流

念佛

三昧經

卷三

譬如須彌山王殊妙高顯有黑山而居其側云何可

言相與等比

正法經卷一

譬如有人入於大海而欲盡見其水邊際又如有人臨

於大海以手勺水欲盡枯涸終不能就徒自疲勞

正法經卷

二

豈當以螢火之光與日競明田家灰堆欲比湏彌鷄鷲

烏鵲金鳥並飛

出曜經
八信品

豈可以藕根中絲懸湏彌山耶可以兔身度大海耶可

以蚊背盡海底耶

本緣經毗
羅摩品

不可以芥子同彼湏彌螢火之光等於日月一滴之水

同於大海

阿育王
傳四

昔有一貧人有少財物見大富者意欲共等不能等故

雖有少財欲棄水中傍人語言此物雖少可得延君性

命數日何故捨棄擲著水中

百喻經
卷下

如人眼視不明指示好醜

大智度論
卷六十五

所謂管闕穹極寧辨西東蠡度滄溟安知髣髴

弘明
集十

所謂輕陳一旅敵堂堂之鋒輒馳驚駘與騏驎而並行

弘明
集十

無異策驚足以均驛駟繫澤雉以雙鸞鶴

弘明
集十一

吾之所裊猶以塵埃附嵩泰收朝露投江海子之所謗

猶握瓢觚欲減江海躡耕耒欲損崐崙側一掌以翳日

光舉土塊以塞河衝

弘明集年
子理惑論

譬猶持瓢欲減江海側掌以蔽日月不能損江海之泉

掩日月之明也

弘明集駁
夷夏論

足下猶欲抗遺燎於日月之下

弘明集張
融門論

以螢燭之見疑三光之盛芸隙之滴怪淵海之量

弘明
集孫

綽喻

道論

舉燭

溫八反

燭於日月之間非智也擁甌甌於鴻鐘之側

非慮也

辨正論卷二

矜白鳥之翼望駭嵩華負燭火之光爭輝日月

辨正論卷五

豈陽文與醲茂比麗孟姬與儻廉競妍

辨正論卷六

猶螢光與龍燭競輝魚目與蛇珠並耀

辨正論卷六

騰鵬共鵬翼偶高馳駕與驥足爭遠

辨正論卷六

無以欄覲之辯譏滄海之廣狹揄枋之智測崑閬之高

卑乎

辨正論卷六

豈以坳塘小水匹馮夷大波者哉

辨正論
卷七

竟以淺深較其

闕

蟻蛭之小比峻於嵩華牛岑

之

闕

猶如鶴尾俟於礪炭猶如蚊子與金翅鳥搏飛遲疾猶如

小兒共師子王捫其威力如此之比不自度量

法苑珠林
卷二十八

欲以手爪抱湏彌山欲以口齒齧齧金剛

法苑珠林
卷五十五

強為

上九翰音登于天貞凶

易中
孚

二三子復於子墨子曰告子勝為仁子墨子曰未必然也告子為仁譬猶跂以為長偃以為廣不可久也

墨子公孟

不是師法而好自用譬之是猶以盲辨色以聾辨聲也

舍亂妄無為也

荀子脩身篇

使但吹竽使氏厭竅雖中節而不可聽無其君形者也

淮南子
說林訓

時不至不可強生也事不究不可強成也

說苑
談叢

延頸遠望昧為目病

焦氏易林
升之謙

使遽者揖讓百拜非禮也憂者絃歌鼓瑟非樂也

申鑒
雜言

上

雖有喬喬之莠其穀不可得雖懷忉忉之怨遠人不可

見言仲尼之道深遠不可彊學

揚子法言
註吾子篇

不念已之短翮不隨燕雀為侶而欲以黃鵠比遊黃鵠

一舉冲天翱翔四海短翮追而不逮將安歸乎

李善註
文選阮

嗣宗詠
懷詩

今吾子聞仁義之羈絆係聲名之韁鑠伏孔氏之軌躅

馳顏閔之極藝何以大道為自眩也昔有學步邯鄲者

匍匐而歸耳

藝文類聚人部隱逸上

顏淵所以命短慕孔子所以傷其年也若庸馬良馬相追至暮共列良馬宿所鳴食如故庸馬垂頭不復食何

異顏淵與孔丘優劣

太平御覽獸部馬五

凡人才所不至而極思之則志傷也力所不勝而極舉

之則形傷也

攝生養性論

如菴羅果樹上熟者其味甘美人所貪嗜若生鬱者其

味則苦人所薄賤

大方等大
集經十八

有一師子獸王在深林中住師子清旦初出窟時四向
顧望奮迅三吼然後遊行擇肉而食彼師子獸王食已
還林常有一野干隨後食殘氣力充足便自言彼林中
師子竟是何獸能勝我耶我今寧可獨擅一林清旦出
窟四向顧望奮迅三吼然後遊行擇肉食耶彼尋獨處
一林清旦出窟奮迅三吼然後遊行欲學師子吼而作

野干鳴

長阿含經
卷十一

譬如朽故車輪以雜繩索而用繫縛強使運轉

身毛喜
豎經下

譬如有人富貴自在忽於一時以水沐髮復以鮮潔上妙衣服而為嚴飾乃出其舍時有貧人見已欣樂即自還家亦沐其髮復以故衣洗濯令淨是人雖復多汲其水濯彼故衣徒使疲勞終不能令服飾新好一切生中若久生者同彼貧人濯其故服終不能淨若初生者如彼富人衣新好衣未生塵垢

正法經
卷三

昔有一人其婦端正唯其鼻醜其人出外見他婦女面

貌端正其鼻甚好即截他婦鼻持來歸家急喚即割其鼻尋以他鼻著婦面上既不相著復失其鼻唐使其婦

受大苦痛

百喻經
卷上

昔有梵志兄弟四人皆得五通自知命促七日必死兄弟議曰我等兄弟神通自在能以神力翻覆天地現極大手捫摸日月移山住流無所不辦寧當不能避此難也第一兄曰吾入大海上下平等正處中間無常煞鬼安知我處第二弟言吾入須彌山腹中間還合其表使

無際現無常煞鬼焉知我處第三弟言吾處虛空隱形
無跡無常煞鬼安知我處第四弟言吾當隱在大市之
中衆人攪鬧各不相識無常煞鬼趣得一人何必取吾
四人議訖相將辭王而白王曰吾等計算餘命日促各
欲逃走欲求多福王尋告曰善進其德於是別去各適
所至七日期滿各從其處而皆命終

法苑珠林
卷四十九

喻林卷五十七

欽定四庫全書

子部

喻林卷五十八

詳校官中書臣朱文翰

主事臣祁韻士覆勘

總校官原任中允臣王燕緒

校對官中書臣朱忻

謄錄舉人臣曹勲祖

欽定四庫全書

喻林卷五十八

明 徐元太 撰

人事門 五十六

無用

眇能視不足以有明也跛能履不足以與行也 易履

折其右肱終不可用也 易豐

跂然三隅之形者彼織女也終一日歷七辰至夜而迴
反徒見其如是曾有何曾有織乎言王之官司徒見列於朝

耳何曾有用乎

毛詩正義大東

體無纖微疾安用問良醫

魏志劉邵傳註

身無錙銖之行能無鷹犬之用

吳志賀邵傳

蓋老牛不犧禮有常制

晉書虞預傳

豈可欲以殞海之馨望鼓鼹於豎鱗之肆墜風之羽凱
振翮於軒毳之間其不能俱陪淶水竝負青天可無待

於明見

宋書周朗傳

魏武帝陵下銅鈍石犬各二古詩云石犬不可吠銅鈍徒

爾為

述異
記上

洛中童謠曰雖有千黃金無如我斗粟斗粟自可飽千

金何所直

述異
記下

漢世古諺曰雖有神藥不如少年雖有珠玉不如金錢

述異
記下

骨肉不任充鼎俎皮毛不足入貨財

陳書徐
陵傳

惠子謂莊子曰吾有大樹人謂之樗其大本擁腫而不
中繩墨其小枝卷曲而不中規矩立之塗匠者不顧今

子之言大而無用衆所同去也

莊子逍遙遊

朱泚漫學屠龍於支離益單千金之家三年技成而無

所用其巧

莊子別禦冠

輕重不合於斤兩長短不充於度數便為廢物何所施

哉

鬼谷子掉闔註

夫馬似鹿者而題之千金然而有百金之馬而無一金

之鹿者馬為人用而鹿不為人用也

韓非子外儲說左

郢人有買屋棟者求大三圍之木而人予車轂跪而度

之巨雖可而長不足

淮南子
說山訓

舟能沉能浮愚者不加足騏驥驅之不進引之不止人

君不以取道里

淮南子
說林訓

毋貽育者鏡毋子甃者履毋賞越人章甫非其用也

淮南

子說
林訓

吾貧而子問以富術縱有其術是不可用之術也昔人有言能得長生者道士聞而欲學之比往言者死矣道士高蹈而恨夫所欲學學不死也其人已死而猶恨之

是不知所以為學也今子欲求殖貨而問術於我我且自貧安能教子以富乎子之此問有似道士之學不死

者也

孔叢子
陳士義

若疫歲之巫徒能鼓口耳

鹽鐵論
救匱

魯人身善織屨妻善織縞而徙於越或謂之曰子必窮魯人曰何也曰屨為履縞為冠也而越人徒跣翦髮遊

不用之國欲無窮可得乎

說苑
反質

敗軍之將不可言勇亡國之臣不可言智

說苑
談叢

一臂六手不使堵口莫肯為用利棄我走

焦氏易林
同人之乾

缺囊破筐空無黍粱

焦氏易林
順之睽

曰蹇六盲足痛難行終日至暮不離其鄰

焦氏易林
大過之艮

老馬垂耳不見百里

焦氏易林
遯之賁

脛足跛倚不可以行頓於丘傍

焦氏易林
睽之復

蹇牛折角不能載粟

焦氏易林
艮之屯

脛急股攣不可出門

焦氏易林
艮之同人

天女踞床不成文章南箕无舌飯多砂糠

焦氏易林
小過之比

朽條腐索不堪施用

焦氏易林
節之豫

次八弓善反弓惡反善馬恨惡馬恨絕殤

薄耕切

破車終

不偃測曰弓反馬恨終不可以也

太玄經
第六止

作無益之能納無補之說以夏進爐以冬奏扇

王充論
衡逢遇

篇

折其右肱雖左肱在豈足用乎

周易
畧例

西南巨牛出自江岷體若垂雲肉盈千鈞雖有逸力難

以揮輪

山海經中
山經圖譜

道家之言高則高矣用之則弊遼落迂濶譬猶干將不可以縫線巨象不中使捕鼠金舟不能凌陽侯之波玉馬不任騁千里之迹也

抱朴子外篇用形

故不欲復舉熠燿以廁日月之間拊甌瓠於洪鍾之側貢輕扇於堅冰之節銜裘鑪乎隆暑之月必見捐於無

用速非時之巨嗤

抱朴子外篇嘉遯

麀有身而不能噬鹿有角而不能觸

古今注

明鏡所以照形而盲者以之蓋卮玉筭所以飾晉而禿

嫗以之挂杙非鏡筭之不美無用於彼也

劉子
隨時

獨攄意乎宇宙之外銳思於毫芒之內然而氣不賈於

當已用不效於一世

文選班固
荅賓戲

齊有居士田仲者宋人屈轂往見之謂曰轂有瓠堅如
石厚而無竅而效之先生田仲曰堅如石不可剖而斷
厚而無竅不可以受水漿吾無用此瓠以為也屈轂曰
然其棄物乎曰然今先生雖不恃人之食亦無益人之
國矣猶可棄之瓠也

文選張景
陽陽命註

顧此腹背羽愧彼排虛翮

文選盧湛答
魏子悌詩

孫綽齋前種一株松高世遠語孫曰松樹子非不楚楚

可憐但永無棟梁用耳孫曰楓樹雖合抱亦何所施

世說

新語
言語

材曲兮枉撓朽木兮難抽

藝文類聚刑
法部刑法賦

何用勝彫斲譬木良如朽

藝文類聚禮
部燕會詩

玄黃之馬事絕於銜鑣蟠朽之林飾垂於丹漆何則千

里之志已窮萬乘之器無取

藝文類聚職
官部司徒表

文籍雖滿腹不如一囊錢

事文類聚錢

懼駕寒無奔走之實朽薄非折衝之才

文苑英華史祥太子書

今先生收天下之術博觀四方之日久矣未能裨世上

之治明君臣之義是則未有異於府庫之藏金玉筐篚

之囊簡書也

太平御覽珍寶部金下

戈刀雖備於執事而無所揚其鋒

太平御覽兵部戈

尸子曰野鴨為鳬家鴨為鶩不能飛翔如庶人守耕稼

而已

埤雅品物門鶩

譬如折軸无所復用

海空智藏
經持誡品

譬如漿滓无所復用

元陽妙
經卷十

譬如濕草煙氣上騰漸以消散至于滅盡

大寶積
經二十

人之無聞老若特牛但長肌肥無有智慧

法句經
老耄品

如車軸折輻輳破壞不任運載

本緣經毗
羅摩品

又如養馬不乘則無所任

大智度
論卷下

譬如最弊惡馬名為敗壞但有馬名無有馬用

十住毘
婆沙論

卷四

似若葶藶艾蒿枝葉皆苦訶梨果樹遍體無甘

法苑珠林卷八

十二

干進

初九壯于前趾往不勝為咎

易夬

在下而壯故曰壯于趾也居下而用剛壯以斯而進窮

凶可苦也

王弼註
易大壯

飛鳥遺其音聲哀以求處上愈无所適下則得安愈上

則愈窮莫若飛鳥也

王弼註
易小過

角者西南隅也上九處晉之極過明之中其猶日過於

中已在於角而獨進之故曰進其角也

周易正義

丈夫生而願為之有室女子生而願為之有家父母之心人皆有之不待父母之命媒妁之言鑽穴隙相窺踰牆相從則父母國人皆賤之古之人未嘗不欲仕也又惡不由其道不由其道而往者與鑽穴隙之類也

孟子滕文

公下

蘇代謂燕昭王曰孝如曾參孝已則不過養其親耳信

如尾生高則不過不欺人耳廉如鮑焦史繡則不過不竊人之財耳今臣為進取者也臣以為廉不與身俱達義不與生俱立仁義者自完之道也非進取之術也

戰國

策燕

昭王

毛遂曰臣乃今日請處囊中耳使遂蚤得處囊中乃脫

穎而出非特其末見而已

史記平原君傳

商鞅挾三術以鑽孝公李斯奮時務而要始皇彼皆躡風雲之會履顛沛之執據檄乘邪以來一日之富貴朝

為榮華夕而焦瘁福不盈眦既溢於世

前漢書
敘傳上

夫君子非不欲仕也耻夸毗以求舉非不欲室也惡登
牆而樓處叫呼街鬻縣旌自表非隋和之寶也暴智耀

世因以干祿非仲尼之道也

後漢書
崔駰列傳

參輪可使自轉木雕猶能獨飛已垂翅而還故棲蓋亦

調其機而銛諸

後漢書
張衡列傳

務進者趨前而不顧後榮貴者矜已而不待人

後漢書
朱暉孫

穆傳

上亂聖朝貫魚之序下違羣士準平之倫

晉書蔡謨傳

忘狐鼠之顧步愧燕雀之徊翔

梁書徐勉傳

次二上無根思登于天谷在于淵測曰上無根不能自

活也

太玄經第一上

次四即上不貞無根繁榮浮虛名測曰即上不貞妄升

也

太玄經第一上

次五銳其東忘其西見其背不見其心

太玄經第二銳

次三高其步之堂有露測曰高步有露妄升也

太玄經第五去

以子之才上不臣于天子下不交于諸侯而猶偃仰當

世是洗巢由之耳而負伊尹之鼎也

天祿閣外
史侍樵

于時懸爵而賣之猶列肆也爭津者買之猶市人也有

直者無分而徑進空拳者望途而收迹

抱朴子外
篇審舉

夫佞者鼓珍賂為勁羽則無高而不到矣乘朋黨為舟

楫則無遠而不濟矣

抱朴子外
篇名實

若乃徇萬金之貨以索百十之售

抱朴子外
篇任命

汲汲於進趨悒悒於否滯者豈能舍至易速達之通塗

而守甚難必窮之塞路乎

抱朴子外篇勗學

奚不汎輕舟以託迅御飛帆以遠之交瑰貨於朔南收

金碧於九疑

抱朴子外篇安貧

固時俗之工巧兮偁規矩而改錯背繩墨以追曲兮競

周容以為度

文選屈原離騷經

夫自銜自媒者士女之醜行也干時求進者道家之明

忌也

文選曹植求自試表

萎葉愛榮條涸流好河廣

文選謝瞻答靈運詩

則有窮巷之賔繩樞之士冀宵燭之末光邀潤屋之微

澤魚貫鳧躍鼉沓鱗萃分鴈驚之稻梁需玉笋之餘瀝

文選劉峻
廣絕交論

無足而至者物之藉也隨踵而立者人之薄也

文選顏延之陶

徵士
誄

隋珠彈雀堂溪刈葵鴛雛啄鼠何異乎鵠

廣文選張子並請青衣賦

今足下琬琰之朴未剖而求光時之價騏驥之足未據

而希絕景之功心銳而動淺望速而應遲

藝文類聚人部別下書

里語云仕官不止車生耳

太平御覽人
事部訪下

改節

初九舍爾靈龜觀我朵頤凶

易順

是為馮婦也晉人有馮婦者善搏虎卒為善士則之野
有衆逐虎虎負嵎莫之敢撓望見馮婦趨而迎之馮婦

攘臂下車衆皆悅之其為士者笑之

孟子盡
心下

子獨不見家人寡婦邪始自約救之時意廼慕宋伯姬
及陳孝婦不幸壹為盜賊所汙遂行淫失知其非禮然

不能自還吾猶此矣

前漢書
游俠傳

陵霜不彫者松柏也臨難不移者君子也何圖松柏彫

於微霜而雞鳴已於風雨

晉書呂
先傳

呻血斷金披心相付謂卿食堪懷音保之偕老豈意畜

水覆舟養獸反害悔之噬臍將何所及

晉書慕容
垂傳

豹姿未變鳳德已衰

晉書愍懷
太子傳

以潔白為污辱譬猶沐浴而杼溷薰燧而負羸

淮南子
說山訓

次三唐素不貞亡彼瓏玲

太玄經
第四唐

蘭芷變而不芳兮荃蕙化而為茅何昔日之芳草兮今

直為此蕭艾也

文選屈原
離騷經

言往昔芬芳之草今皆直為蕭艾而已以言往日明智

之士今皆佯愚狂惑不顧也

王逸註楚
辭離騷經

言蘭芷之草變易其體而不復香荃蕙化而為菅茅失

其本性也以言君子更為小人忠信更為佞偽也

王逸
註楚

辭離
騷經

以此獨立不達亦何苦何恨乎而便當伐本瓦合鋪糟

握泥剗足適履毀方入圓不亦劇乎

抱朴子外篇刺譏

遲重者蓬轉而波擾整肅者鹿踊而魚躍

抱朴子外篇酒誡

言甘以移植而易名恐人徙居而變節

李善註文選潘安仁贈陸機詩

何意百鍊剛化為繞指柔

文選劉琨重贈盧諶詩

始素終玄墨翟垂涕

文選顏延年和謝靈運詩註

在南稱柑度北則橙

文選潘岳為賈謐作詩

雖今之作者人自為量而皆路同塵輟塗殊軌者多矣

豈所以昭末景泛餘波

文選顏延之陶徵士誄

固時俗之流從兮又孰能無變化覽椒蘭其若茲兮又

况揭車與江離

楚辭離騷經

余以蘭為可恃兮羌無實而容長委厥美以從俗兮苟

得列乎衆芳

楚辭離騷經

譬如有人未離欲染遇見女實在空林中形貌端嚴甚可愛樂雖具觀見種種身支而能制心不行故逸後於餘處遇見女人形貌麋醜鄙穢下賤返生貪愛遂行放

逸

波羅蜜多經五百九十一

譬如梵志子淨潔自喜詣於舍後卒汚其指行詣金師
指汚不淨以火燒之金師諫曰勿發是心有餘方便除
此不淨灰土拭之以水洗之設吾火燒卿不能忍火之
毒痛自觸其身更甚于前梵志子聞即懷瞋恚便罵金
師莫以己心量度他人自不能忍謂人不堪金師聞知
燒鉗正赤以鑷彼指年少得熱痛不能忍掣指著口金
師大笑謂年少言何持不淨指含著口中年少報曰不
遭痛時見指不淨適遇火毒即忘指穢

修行道地
經學地品

竊位

以瑞玉為佩佩之鞞鞞然居其官職非其才之所長也

徒美其佩而無其德

鄭氏箋
詩大東

四牡者人君所乘駕今但養大其領不肯為用喻大臣

自恣王不能使也

鄭氏箋
詩南山

王政既偏其所用之人皆鞞鞞然佩其璆玉居其官職

不以其才之所長徒美其佩而無其德也

毛詩正
義大東

維天之有漢仰監視之亦有精氣之光是徒有光而無

明今佩璲之人亦徒有名而無實也

毛詩正義大東

此夫為盜不操矛弧者也攻而不用刃者也欺父母

未有罪而弑君未伐者也何以為高賢才乎

史記曰者傳

與懸黎而並肆將駿驥而同皁終朝擊缶匪黃鍾之所

諧日暮却行何前人之能及

隋書王貞文學傳

若乃心利錐刀居台鼎之任智昏菽麥當機衡之重

北史

恩幸傳

狝猴冠帶盜載非位衆犬共吠倉狂蹶足

焦氏易林刺之隨

次七格其珍類龜鰓屬測曰格其珍類無以自匡也

太玄

經第二格

次三龍襲非其穴光亡于室

太玄經第六闕

毛芥在鐵石間也一口之氣能吹毛芥非必焮風俗吏

之易遷猶毛芥之易吹也

王充論衡狀留篇

竊人之物其得非不速疾也然而非其有得之非已之力也世人早得高官非不有光榮也而尸祿素餐之謗

諠譁甚矣

王充論衡狀留篇

官達者才未必當其位譽美者實未必副其名故鋸齒
不能咀嚼箕舌不能別味壺耳不能理音厲鼻不能識
氣釜目不能攄望舒之景牀足不能有尋常之迹

抱朴子外

篇博喻

衝飆焚輪原火所以增熾也螢燭值之而反滅甘雨膏
澤嘉生所以繁榮也而枯木得之以速朽朱輪華轂俊
民之大寶也而負乘竊之而名禍鼎食萬鍾宣力之弘
報也而近才受之以覆餗

抱朴子外
篇博喻

拔茅之義圯而負乘之羣興亢龍高墜泣血漣如

抱朴子外

篇名實

鷦鷯棲翔鳳之條鼃鼃遊升龍之川識真者所為憤結

也

李善註文選陸士衡吳王郎中詩

皇聖昭天德豐澤振沈泥惜無雀雉化何用充海涯

文選

顏延之和

謝靈運詩

鵠集瓊林鯨躍神淵

廣文選郭景純晉元帝哀策文

譽失

語曰當君而歎堯舜之美譬猶人子對厥親而生譽他

人之父

晉書禮志下

殺一人謂之不義必有一死罪矣若以此說往殺十人
十重不義必有十死罪矣殺百人百重不義必有百死
罪矣當此天下之君子皆知而非之謂之不義今至大
為不義攻國則弗非從而譽之謂之義

墨子非攻上

今有一人入人園圃竊其桃李衆聞則非之上為政者
得則罰之此何也以虧人自利也至攘人犬豕鷄豚者

其不義又甚入人園圃竊桃李是何故也以虧人愈多
其不仁茲甚罪益厚至入人欄廐取人馬牛者其不仁
義又甚攘人犬豕鷄豚此何故也以其虧人愈多苟虧
人愈多其不仁茲甚罪益厚至殺不辜人也梃其衣裘
取戈劒者其不義又甚入人欄廐取人馬牛此何故也
以其虧人愈多苟虧人愈多其不仁茲甚矣罪益厚當
此天下之君皆知而非之謂之不義今至大為攻國則
弗知非從而譽之謂之義此何謂知義與不義之別乎

墨子非
攻上

巫馬子謂子墨子曰舍今之人而譽先王是譽槁骨也
譬若匠人然智槁木也而不智生木

墨子
耕柱

有譽人之力儉者晷至旦不中員呈猶謫之察之乃其

母也故小人之譽人反為損

淮南子
說山訓

九州多山而華岱為嶽四方多川而江河為瀆者華岱

高而江河大也長生

人名
姓周

州郡高大者同姓之伯賢舍

而譽他族之孟未為得也

王充論衡
超奇篇

俗好高古而稱所聞前人之業菜果甘甜後人新造蜜

酪辛苦

王充論衡
起奇篇

舍其家而觀他人之室忽其父而稱異人之翁未為德

也

王充論衡
佚文篇

褒功失丘山之積頌德遺膏腴之美

王充論衡
佚文篇

是得牛之服重不譽馬速也譽手毀足孰謂之慧矣

王充

論衡別

通篇

雖相引以名聲是相結以病患

莊子音
義外物

魯有醜者其父出見美者商咄反而告其隣曰商咄不

如吾子也是至美不如至惡愛子不知其醜也

意林呂氏春秋

稱譽其德高者凌青雲廣者踰地圻得無踰其本過其

實乎

弘明集牟子理惑論

材害

肥豕必烹甘泉必竭直木必伐

汲冢周書周祝解

木摧於秀蘭燒以薰

晉書宣五王列傳

象由齒斃膏用明煎

北齊書文苑祖鴻敷傳

凡國之亡也以其長者也人之自失也以其所長者也故善游者死於梁池善射者死於中野

管子
樞言

夫豐狐文豹棲於山林伏於巖穴靜也夜行晝居戒也然雖饑渴隱約猶且胥疏於江湖之上而求食焉定也然且不免於罔羅機辟之患是何罪之有哉其皮為之灾也今魯國獨非君之皮耶吾願君剝形去皮洒心去欲而遊於無人之野

莊子
山木

東海有鳥焉名曰意怠其為鳥也翾翾跼跼而似無能

引援而飛迫脅而棲進不敢為前退不敢為後食不敢
先嘗必取其緒是故其行列不斥而外人卒不得害是
以免於患直木先伐甘井先竭子其意者飾知以驚愚
脩身以明汚昭昭乎如揭日月而行故不免也

莊子
山木

虎豹之文來田猨狙之便執爨之狗來藉

莊子應
帝王

執狸之狗成思猨狙之便自山林來

莊子
天地

山木自寇也膏火自煎也桂可食故伐之漆可用故割

之人皆知有用之用而莫知無用之用也

莊子人
問世

宋有荆氏者宜楸柏桑其拱把而上者求狙猴之杙者
斬之三圍四圍求高名之麗者斬之七圍八圍貴人富
商之家求禪傍者斬之故未終其天年而中道之夭於
斧斤此材之患也

莊子人
問世

今有五錐此其銛銛者必先挫有五刀此其錯錯者必
先靡是以甘井近竭招木近代靈龜近灼神蛇近暴是
故比干之殪其抗也孟賁之殺其勇也西施之沈其美
也吳起之裂其事也故彼人者寡不使其所長故曰太

盛難守也

墨子
親士

不仁而有氣力果敢則狂而操利劍不智而辯慧懷給則棄驥而不式雖有材能其施之不當處之不宜適足以輔偽飾非使藝之衆不如其寡也故有野心者不可

借便勢有愚質者不可與利器

淮南子
主術訓

虎豹之文來射猿狖之捷來乍

淮南子
說林訓

蘭芝以芳未嘗見霜鼓造辟兵壽盡五月之望

淮南子
說林訓

桓公九合諸侯一匡天下管仲之力管仲有力桓公能

舉之可謂壯彊矣吳不能用子胥楚不能用屈原二子力重兩主不能舉也舉物不勝委地而去可也時或恚怒斧斲破敗此則子胥屈原所取害也

王充論衡
效力篇

小石附於山山力能得持之在沙丘之間小石輕微亦能自安至於大石沙土不履山不能持處危峭之際則必崩墜於坑谷之間矣大智之重遭小才之將無左右沙土之助雖在顯位將不能持則有大石崩墜之難也

王充論衡
效力篇

澧水之鮮形如浮肺體兼三才以貨賈害厥用既多何

以自衛

山海經東
山經閼風

蚌則含珠獸胡不可狘狘如豚被褐懷禍患難無由招

之自我

山海經東
山經閼風

兕推壯獸似牛青黑力無不傾自焚以革皮充武備角

助文德

山海經南
山經圖讚

利豐者害後質美者召災是以南禽殲於藻羽穴豹死

於文皮鱸鯉積而玄淵涸麋鹿聚而繁林焚金玉崇而

寇盜至名位高而憂責集

抱朴子外篇博喻

林繁則匠入矣珠美則蚌裂矣石含金者焚鑠草任藥者剪掘刃利則先缺絃哀則速絕用以適己真人之寶

也才合世求有伎之災也

抱朴子外篇廣譬

不在可用之數曰散木可用之木為文木物莫不若是

者物皆以用自傷也

郭子註莊人間世

患害生於役知以奔競木伐井竭才之害也

郭子註莊山木

山抱玉則鑿之江懷珠則竭之豹佩文則剝之人含智

則嫉之智能知人不能自知神能衛物不能自衛故神
龜以智見灼靈蛇以神見曝孰知不智為智不神為神

乎

劉子
言苑

執留之狗謂有能故被留係成愁思也

莊子音
義天地

珍寶之美羅列布見煥焉如崑崙之所生者

李善註文
選西京賦

井上四交之幹常為汲者所契傷也

李善註文選枚
叔上書諫吳王

蒼鷹鷂而受縲鵬鷃惠而入籠

文選鵬
鷃賦

鵬鷃介其背距鵠鷃軼於雲際鷃鷃竄於幽險孔翠生

乎遐裔彼晨鳧與歸鴈又矯翼而矰逝咸美羽而豐肌

故無罪而皆斃徒銜蘆以避繳終為戮於此世

文選鴈鵠賦

夫形瑰者徵咎體壯者為犧雖明文而龍藻兮終俛首

而受羈

廣文選陸士龍逸民賦

薰以芳而致燒兮膏含肥而見炳翠羽微而殞身兮蚌

含珠而擘裂

廣文選揚子雲太玄賦

金雖重而見鑄桂徒芳而被折

廣文選江文通傷友人賦

薰以芬香而自燒兔亦取斃於毫翰

藝文類聚人部言志賦

狡兔得而獵犬死高鳥得而強弩藏

藝文類聚
軍器部弩

犀之為狀形兼牛豕力無不傾吻無不靡以賄嬰灾因

乎角椅

藝文類聚
獸部犀

夫翠飾羽而體分象美牙而自喪蚌懷珠而致剖蘭含

香而遭焚膏以明而遂煎桂以蠹而成疾

太平御覽
木部桂

麝懷香以賈害狙伐巧而招射

埤雅品
物門麝

墨子曰靈龜近灼神蛇近暴

埤雅品物
門騰蛇

猶如蠶蚕出絲纏遶即自滅身

大寶積經
一百九

亦如蠶作繭吐絲還自纏

佛說身觀
經當九

喻林卷五十八

欽定四庫全書

喻林卷五十九

明 徐元太 撰

人事門 五十七

善禍

黃鳥哀三良也國人刺穆公以人從死而作是詩也

毛詩

黃鳥

賢人君子雖隱其身而德甚明著不能免禍害猶如魚

捕於水亦甚著見被人採捕

禮記正義中庸

曾子孝於其親而沈乎水介生忠於其主而焚於火何

則仁也不必可依信也不必可恃

宋書文九
王建平傳

楊朱曰伯夷非亡欲矜清之郵以放餓死展季非亡情

矜貞之郵以放寡宗清貞之誤善若此

列子
楊朱

比干剖心子胥抉眼忠之禍也直躬證父尾生溺死信
之患也鮑子立乾勝子不自理廉之害也孔子不見母

匡子不見父義之失也

莊子
盜妬

若以守法不朋黨治官而求安是猶以足搔頂也愈不

幾也

韓非子
和氏

日月欲明而浮雲蓋之蘭芝欲修而秋風敗之

淮南子
說林訓

九鴈列陣雌獨不羣為譽所牽死於庖人

焦氏易林
復之豐

言竭盡忠信以事君若人身耽贅之病與衆別異以得

罪謫也

王逸註楚
辭九章

以茂美之樹興於仁賢早遇霜露懷德君子忠而被害

也

王逸註楚
辭九辨

言蓼蟲處辛烈食苦惡不能知徙於葵菜食甘美終以

困苦而癯瘦以喻已修潔白不能變志易行以求祿位亦將終身貧賤而困窮也

王逸註楚辭七諫

以玷污言之清受塵而白取垢以毀謗言之貞良見妬高奇見噪以遇罪言之忠言招患高行招耻以不純言之玉有瑕而珠有毀

王充論衡累害篇

亦有深迹而陸遭濤波幽遁而水被焚燒若龔勝之絕粒以殞命李業煎蹙以吞醢由乎迹之有朕景之不滅也

抱朴子外篇知止

士有一定之論女有不易之行信而見疑貞而為戮是

以壯夫義士伏死而不顧者此也

文選江淹上書

夫江湖所以濟舟亦所以覆舟仁義所以全身亦所以

亡身

文選袁宏名臣序贊

英華夏落毒卉冬敷如彼龜玉韞櫝毀諸

文選劉越石答盧湛詩

獨正者危至方則闕

文選顏延之陶徵士誄

違衆速尤迂風先靡

文選顏延之陶徵士誄

卷薜芷與若蕙兮臨湘淵而投之楫申椒與菌桂兮赴

江湖而漚之

楚辭返離騷

芝在室而先枯蘭生庭而早刈

藝文類聚人部哀傷賦

齊王疾使人之宋迎文摯文摯至視王疾謂太子曰非怒則王疾不可治怒王則文摯死太子曰苟已王疾臣與母以死爭之願先生勿患也文摯曰諾與太子期而將往不當者三齊王固已怒矣文摯至不解履登床履王衣問疾王怒不與言摯因出固辭以重怒王王吐而起遂乃疾已王不悅果以鼎烹摯太子與母合爭之

不得夫忠於平世易忠於濁世難也

太平御覽
方術部醫

見棄

鴛鴦在梁戢其左翼之子無良二三其德

詩小雅
白華

習習谷風維風及雨將恐將懼維予與女將安將樂女

轉棄予○習習谷風維風及顙將恐將懼寘予于懷將

安將樂棄予如遺

詩小雅
谷風

我有旨蓄

勃大反

亦以御冬宴爾新婚以我御窮

詩國風
谷風

谷風邙之良婦見棄於夫而作

詩說
邙

采芻賢者被讒見黜於野周人閔之而作

詩說王

晨風秦君遇賢始勤終怠賢人譏之

詩說秦

白華幽王寵褒姒廢姜后后歸申而作

詩說小正傳

柏木所以宜為舟也亦汎汎其流不以濟度也

毛詩柏舟註

舟載渡物者今不用而與衆物汎汎然俱流水中仁人

之不見用而與羣小人並列亦猶是也

鄭氏箋詩柏舟

言汎然而流者是彼柏木之舟此柏木之舟宜用濟渡

今而不用亦汎汎然其與衆物俱流水中而已以興在

列位者是彼仁德之人此仁德之人宜用輔佐今乃不

用亦與衆小人並列於朝而已

毛詩正義
柏舟

推草宜生高陸之地今乃生於谷中為谷水浸之故乾
燥而將死以喻婦人宜居平安之世今乃居於凶年為

其夫薄之故情疎而將絕

毛詩正義
中谷有推

如荼飛揚無所常定此女被棄心亦無定如荼然

毛詩正義

出其
東門

雲之從風東西無定此女被棄心亦無定如雲然

毛詩正義

出其
東門

得新菜而棄舊蓄猶得新昏而棄已

毛詩正義
谷風

我有美菜蓄之亦以禦冬月乏無之時猶君子安樂汝
之新昏本亦但以我禦窮苦之時而已然窮苦取我至
於富貴而見棄似冬月蓄菜至於春夏則見遺也

毛詩
正義

谷風

凡加冠之禮先用緇布之冠歛括垂髦三加之後去緇
布之冠不復更用今王自比豈得將王室如緇布冠加

髦之後不須復用因以敬之

春秋正義
昭公九年

衿芟茹

荷

之綠衣兮被夫容之朱裳芳酷烈而莫聞兮

不如襞而幽之離房

前漢書
楊雄傳

匿景藏采不揚華藻實羽翮之美用非徒腹背之毛也

而沈淪草莽好爵莫及廊廟之寶棄於溝渠

後漢書
循吏列傳

韓盧抑而不縱兮騏驥絆而不試

後漢書
馮衍傳

莫使騏驥更爲凡馬荆山反成瓦石

魏志
管輅傳註

昔召伯所憩愛流甘棠宣子所游封殖其樹夫思其人

尚及其樹況生存所辟之士便當隨例放棄者乎

晉書
羊祜

傳

但雲咸斯奏自輟巴渝杞梓方雕豈盼樗櫟

陳書蔡
景歷傳

雖失析陽如棄鷄肋

魏書辛雄
從兄纂

甚芻狗之棄路若章甫之遊越

隋書禮
儀一志

駿馬以抑死直士以正窮賢者擯於朝美女擯於宮

淮南

子說
林訓

海不受流鶩太山不上小人旁光不生俎駟駁不入性

淮南子

說林訓

今夫毛嫱西施天下之美人若使之銜腐鼠蒙蜩皮衣
豹裘帶死蛇則布衣韋帶之人過者莫不左右睥睨而
掩鼻常試使之施芳澤正娥眉設筭珥衣阿錫曳齊紈
粉白黛黑佩玉環揄步雜芝若籠蒙目視治由笑目流
眄口曾撓竒牙出齲腠搖則雖王公大人有嚴志頡頏
之行者無不憚餘癢心而悅其色矣今以中人之才蒙
愚惑之智被汙辱之行無本業所修方術所務焉得無

有睥面掩鼻之容哉

淮南子
修務訓

蝠螺生子深目黑醜雖飾相就衆人莫取

焦氏易林
需之恒

酒酸魚敗衆莫貪嗜

焦氏易林
訟之豐

破筐敝筥棄捐於道

焦氏易林
否之萃

身多禿癩誰肯媚者

焦氏易林
隨之豐

刺剗髡削人所賤棄

焦氏易林
睽之賁

言重積辛夷露而暴之使死林薄之中猶言取賢明君

子棄之山野使之顛墜也

王逸註楚
辭九章

言我馬強壯行於由臯無所驅馳我車堅牢舍旅方林
無所載任也以言已才德方壯誠可任用棄於草野亦

無所施也

王逸註楚辭九章

言浩浩廣大乎沅湘之水分汨而流將歸乎海傷已放

棄獨無所歸也

王逸註楚辭九章

言已放棄若浮雲之氣東西無所據依

王逸註楚辭九章

見蜚蜚之夜行自傷放棄與昆蟲為雙也

王逸註楚辭九章

鈕樞所以校玉斗玉斗既喪將失其鈕樞言放賢者逐

去之也

王逸註楚辭九思

卷五十九

此所謂以分寸之瑕棄盈尺之夜光以蟻鼻之缺損無價之淳鈞非荆和之遠識風胡之賞真也斯朱公所以

鬱悵薛燭所以永歎矣

抱朴子內篇論仙

聞此言也雖風之過耳電之經目不足諭也

抱朴子內篇極言

猶奏和音於聾俗之地鬻章甫於被髮之域

抱朴子外篇任命

夫器非瓊瑤楚和不泣質非潛虬風雲不集

抱朴子外篇應嘲

郢人美下里之淫聲而薄六莖之和音庸夫好悅耳之

華譽而惡利行之良規故宋玉含其延靈之精聲智士

招其獨見之遠謀

抱朴子外篇博喻

士有大趣不修容儀不惜小儉而謂之棄人是見朱橘一子蠹因剪樹而棄之覩縹錦一寸點乃全疋而燔之

劉子
命相

言已朝餐而忘我餓猶居貴而遺我賤

李善註文選郭泰機答傅咸詩

心不同兮媒勞恩不甚兮輕絕

文選屈原湘君歌

出門無通路枳棘塞中塗計策棄不收塊若枯池魚

文選

左思詠
史詩

鳬鵠遠成美薪芻前見陵

文選鮑昭
白頭吟

天寒知運速况復鴈南飛衣工秉刀尺棄我忽如遺

文選

郭泰機答
傅咸詩

苔苔倚桐樹寄生於南岳上凌青雲霓下臨千仞谷處
身孤且危於何託余足昔也植朝陽傾枝俟鸞鷟今者
絕世用倥偬見迫東班匠不我顧牙曠不我錄焉得成

琴瑟何由揚妙曲

文選司馬彪
贈山濤詩

黍稷委疇隴農夫安所獲

文選曹植贈丁儀詩

籩豆所以食也而君捐之席蓐所以卧也而君棄之手

足胼胝面目犁黑有勞功者也而君後之

文選鮑明遠東武吟註

素門凡流輪翮無取

文選任彦升讓吏部表

不寤滄溟未運波臣自蕩渤澥方春旅翮先謝

文選謝朓辭隋

王賡

田彼南山蕪穢不治種一頃豆落而爲糞

文選楊惲報孫會宗書

世並舉而好朋兮壹斗斛而相量衆比周以肩迫兮賢

者遠而隱藏為鳳皇作鶉籠兮雖翕翅其不容

補文選
莊忌哀

時命

君無度而弗察兮使芳草為藪幽

楚辭九章
惜往日

抱昭華兮寶璋欲銜鬻兮莫取

楚辭王
逸怨上

猶如毒樹雖生華實無人受用

本緣經月
光王品

譬如苦瓜雖形似甘種而不可食

大智度論
卷十三

譬如吐食不可更噉

大智度論
卷十三

有似嚼飯與人非徒失味乃令嘔噦也

高僧傳二
鳩摩羅什

無益

枯楊生華何可久也

易大過

何異无虞以從禽乎雖見其禽而无其虞徒入于林中

其可獲乎

王弼註
易屯

無田

音佃

甫田維莠

音酉

驕驕

叶音高

無思遠人勞心忉忉

音刀

○詩國
風甫田

發言盈庭誰敢執其咎如匪行邁謀是用不得于道

詩小

雅小

旻

折柳以為藩園無益於禁矣

毛詩東方
未明註

甫田大夫刺襄公也無禮義而求大功不脩德而求諸

侯志大心勞所以求者非其道也

毛詩
甫田

蒼蔚之小雲朝升於南山不能為大雨以喻小人雖見

任於君終不能成其德教

鄭氏箋
詩侯人

王失禮於外而下國聞知而化之王弗能治如鳴鼓鍾

於宮中而欲外人不聞亦不可止

鄭氏箋
詩白華

諸言尋盟者皆以前盟已寒更溫之使熱若可重溫使

熱亦可歇之使寒

春秋正義哀公十二年

越在腹心今得志於齊猶石田無所用

史記吳世家

今徒取富人子上又無智略如木偶人衣之綺繡耳

史記

田叔傳

非其地樹之不生非其意教之不成

史記日者傳

僕之思歸如痿人不忘起盲者不忘視執不可耳

前漢書韓

王信傳

譬畫者畫於無形弦者放於無聲殆不可乎

前漢書楊雄傳下

雖馳辨如濤波摘藻如春華猶無益於殿最

前漢書
叙傳上

夫居前不能令人輕居後不能令人軒與人怨不能為

人患臣所恥也

後漢書馬
援列傳

夫雞肋食之則無所得棄之則如可惜公歸計決矣

後漢

書楊
震傳

亦譬以蒿箭射蒿中耳

魏志明
帝紀註

今子以旦夕之命待不可望之救猶牛蹄中魚冀賴江

漢其不可恃亦明矣

吳志呂
蒙傳

可謂盲者欲視白黑聾者欲聽清濁苦而無功也

魏志
管輅

傳註

此猶烈火已焚待江漢之水溺於洪流望越人之助其

何及哉

晉書張
軌傳

頗聞劉景升有千斤大牛噉芻豆十倍於常牛負重致

遠曾不若一羸特魏武入荊州以享軍士

晉書桓
溫傳

溺者不問墜迷者不問路溺而後問墜迷而後問路譬

之猶臨難而遽鑄兵噎而遽掘井雖遠亦無及也

晏子
春秋

金
卷五十九
襍上

儵鮓者浮陽之魚也眩於沙而思水則無逮矣挂於患

而欲謹則無益矣

荀子
榮辱

齊有居士田仲者宋人屈穀見之曰穀聞先生之義不恃仰人而食今穀有樹瓠之道堅如石厚而無竅獻之仲曰夫瓠所貴者謂其可以盛也今厚而無竅則不可以盛物而任重如堅石則不可以剖而以斟吾無以瓠為也曰然穀將以欲棄之今田仲不恃仰人而食亦

無益人之國亦堅瓠之類也

韓非子外儲說左上

夫待越人之善海游者以救中國之溺人越人善游矣而溺者不濟矣夫待古之王良以馭今之馬亦猶越人救溺之說也不可亦明矣

韓非子難勢

且今已乏矣而方湏租入是猶古人欲決江河以救牛蹄之魚之類也

孔叢子連叢子

今以一人之身憂世之不治而泣涕不禁是憂河水之濁而以泣清之也其為無益莫大焉

孔叢子抗志

比干死紂而不能正其行子胥死吳而不能存其國二
子者強諫而死適足明主之暴耳未始有益如秋毫之

端也

說苑
雜言

鉛刀攻玉堅不可得

焦氏易林
坤之豫

探懷得蚤所愿失道

焦氏易林
坤之漸

一指食肉口無所得染其鼎鼐舌饒於腹

焦氏易林
需之解

耕石山顛費種家貧無聊虛作苗髮不生

焦氏易林
比之解

蹇驢不材駿驥失時筋勞力盡疲於沙丘

焦氏易林
履之巽

庖火為災電火為蕃

焦氏易林
泰之噬嗑

澤狗水鳧難畜少雛

焦氏易林
泰之巽

疾貧望幸使伯行販開牢擇羊多得大牂

焦氏易林
否之坎

一夫兩心技刺不深所為無功求事不成

焦氏易林
豫之臨

羊頭兔足少肉不飽漏囊敗粟利無所得

焦氏易林
剝之恒

枯樹不花空淵無魚

焦氏易林
咸之噬嗑

耕石不生棄禮無名縫衣失針襦袴不成

焦氏易林
咸之益

南山高岡回隕難登道路遼遠行者无功

焦氏易林
遯之睽

張伯買鹿從者失羊

焦氏易林
大壯之訟

一口三舌相妨无益羣羊百祥不為威強

焦氏易林
蹇之未濟

入水求玉不見和璞

焦氏易林
解之否

刳羊不當女執空筐

焦氏易林
歸妹之睽

穿匏挹水構鍊然火勞瘦力竭饑渴為禍

焦氏易林
未濟之漸

為國不廸其法而望其效譬諸算乎

揚子
先知

次八蚤蟲之姤

即疏
字

厲測曰蚤蟲之姤不足賴也

婦扶
疏之

義○太玄

經第一姤

次五蜘蛛之務不如蠶之綸頭測曰蜘蛛之務無益人

也太玄經
第一務

次七交于鳥鼠費其資忝測曰交于鳥鼠徒費也太玄
經第

二交

次六多田不婁力佳切費我睽戶皆切功測曰多田不婁費

力忘功也太玄經
第四進

次六俾蛛罔罔遇螽利雖大不得從太玄經
第四遇

次三積石不食費其勞力測曰積石不食無可獲也太玄

經第五
五積

次七枯垣生荑穰

乎穀切

頭內其稚婦

太玄經第五內

上九其勤其勤抱車入淵負舟上山測曰其勤其勤勞

不得也

太玄經第六勤

今有採不死之藥者五遊方嶽十涉溟洲窮合靈之窟掘產秀之巖被羽服而履赤舄談真訣而煉丹砂或呼吸而漱精或偃仰而殮霞自以為安期羨門之倫松子王喬之屬天子不能爵諸侯不能祿寢跡于草野寄傲

于流俗與浮圖並軌老子同谷趨而事之者若攀軒轅
之逸駕徼彭聃之遐福也其名孰美焉然周穆馳而犬
戎叛秦始遊而二世亡此二主者寧無利于民而憂身
之不壽于義黃寧無利于子孫而耻國之不延于陶唐
卒有替義黃之憂後陶唐之耻意者力之不逮乎或虛
詞詭術無徵于世無裨于身國乎何嗜之而不疲也

天祿

關外史
四難

言婚姻所好心意不同則媒人疲勞而無功也屈原自

諭行與君異終不可合亦疲勞而已也

王逸註楚辭九歌

言張強弩之機以蓬蒿之箭以射犀革之盾必摧折而無所能入也言使愚巧任政必致荒亂無所能成也

王逸

註楚辭

七諫

言取澤瀉惡草盛於革囊滿而藏之無益於用呂言養育小人置之高堂亦無益於政治也

王逸註楚辭九歌

親在獄中罪疑未定孝子馳走以救其難如罪定法立終無門戶雖曾子子騫坐泣而已何則計動無益空為

煩也

王充論衡
薄葬篇

縱令勤求少有所獲則顧影尸居與木石為鄰所謂不病而自炙無憂而自黥無喪而疏食無罪而自幽追虛

徼幸功不荅勞

嵇中散集向子
期難養生論

夫指既斬而連之不可續也血既灑而吞之無所益也
豈况服彼異類之松柏以延短促之年命甚不然也

抱朴

子內篇
對俗

夫苦心約已以行無益之事鏤冰雕朽終無必成之功

抱朴子內

篇論仙

夫搜尋仞之壘求干天之木漉牛迹之中索吞舟之鱗

用日雖久安能得乎

抱朴子內
篇勤求

疾之者齊聲而側目愛之者寡弱而無益亦猶撮壤不

能填決河升水不能殄原火

抱朴子外
篇名實

所謂盜跖分財取少為讓陸處之魚相煦以沫也

抱朴
子外

抱
篇詰

迅逝者不能脫逐身之景樂成者不能免理致之敗

抱
朴

子外篇
任命

若揭仁義以趨道德之鄉其猶擊鼓而求逃者無由得

也

郭子註
莊天運

譬若畫形於無象造響於無聲未之思乎何所規之不

通也

文選曹
植七啓

排簾障風探沙擁河無益於事徒自弊耳

意林
夫論

畫水鏤冰與時消釋

意林
新論

駕蹇驢而無策今又何路之能極以直鍼而為鈞兮又

何魚之能得

楚辭東方朔哀命

費子陽謂子思曰吾念周室將滅涕泣不可禁也子思

曰然今以一人之身憂世之不治而涕泣不禁是憂河

水濁而以泣清之也

藝文類聚人部泣

事等泣河無救三川之竭有類憂天豈支四極之壞

藝文

類聚職官

部司徒表

邯鄲已危徒思馬服燕城去矣空用荆軻是以竹杖扶

危不能正武擔之石蘆灰縮水不能救宣房之河

文苑英華

庾信
連珠

今一人耕而百人食之此螟螣蚘蠹亦大矣雖有詩書

猶無益於治

太平御覽
產資部耕

如窮人貪諸衣服雖復冀望而不能得老亦如是雖有

貪心欲求富樂而不能得

元陽妙
經卷一

鍼石道也精神不進志意不治故病不可愈今精壞神

去榮衛不可復收何者嗜欲無窮而憂患不止精氣弛

壞榮枯衛除故神去之而病不愈也

黃帝素問內經
湯液醪醴論

如愚人披空尋跡終不可得

玉清經
法印品

如彼幻師得化美團雖似有益而實無益

波羅蜜多經
五百八十一

譬如有人為欲顯示太虛空故雖有所說而太虛空不

可顯示

波羅蜜多經
五百九十六

如朽腐舍常務修治如老弱乘難可驅策

大寶積經
卷九十六

譬如死人著金纓絡

大寶積經卷
一百一十二

譬如有人其身臭穢雖以種種上妙香塗而竟不能令

身香潔

大集地藏十
輪經卷六

猶如有人從樹上墮雖以手足捫摸枝葉而無所得

中阿舍經

舍經卷

十九

如有人從山上墮雖以手足捫摸於空而無所得

中阿舍經卷十九

猶如有人以渴入池而反渴還

中阿舍經卷三十二

如有狗饑餓羸乏至屠牛處彼屠牛師淨剔除肉擲骨

與狗狗得骨已處處咬嚙破脣缺齒或傷咽喉然狗不

得以此除饑

中阿舍經卷五十五

如樹無華果無所饒益如枯渠無水無所潤及

大智度論卷三十七

猶如朽塔難可朽色

長阿舍經
卷十二

譬如老牛不能挽車亦復不能耕犁無益於主

佛說七
女經尺

六

譬如石田雖植好種勤加營辦終無果實

大集地持十
輪經卷六

譬如愚者取於炭勤力摩治欲令白炭盡力疲白莫成

無智妄貪亦如是

大乘
經中

愚人無智便空食鹽食已口爽反為其患譬彼外道聞
節飲食可以得道即便斷食或經七日或十五日徒自

困餓無益於道

百喻經
卷上

譬如二人至陶師所觀其躡輪而作瓦瓶者無厭足一人捨去往至大會極得美饌又獲珍寶一人觀瓶而作是言待我看訖如是漸冉乃至日沒觀瓶不已失於衣

食

百喻經
卷下

譬如老鵲守此空池永無所獲

法句譬喻經
三老耄品

譬如枯樹雖加溉灌不生華葉及其果實

三昧法門
經卷上

欲無所得如狗齧枯骨

三昧法門
經卷下

如惡誣罔人清白猶不汙愚殃反自及如塵逆風全

法句

經惡行品

第十七

譬如人欲守護虛空虛空雨不能壞風日不能乾刀仗等不能傷若有人欲守護虛空者徒自疲苦於空無益

大智度論

卷六十四

譬如一人欲有所到一者住不行二者失道二俱不到

大智度論

卷八十九

如人耻白髮并剃其黑者剃之未久間白髮尋還生

大莊

嚴經論

卷六偈

如被燒種子雖置地中水澆日暖終不能生

菩提資糧論卷四

事等破瓶義同焦種亦如多羅既斷寧可重生栴石已

離終無還合


法苑珠林卷二十三

昔有一人說王過罪而作是言王甚暴虐治政無理王聞是語既大瞋恚竟不究悉信傍佞人捉此賢臣仰使剝脊取百兩肉有人證明此無是語王心便悔索千兩肉用為補脊夜中呻喚甚大苦惱王聞其聲問言何以

苦惱取汝百兩十陪與汝意不足耶何故苦惱傍人答
言大王如截子頭雖得千頭不免子死雖十陪得肉不

免苦痛

法苑珠林
卷四十四



喻林卷五十九